

## Secunda pars.

quidam sunt perfecti quidam imperfecti. Et primus horum dicitur horizon. Finis autem obliquus hoc est terminator visus in sphaera obliqua quia ipse diuidit & determinat hemispherium superius ab hemispherio inferiori. Et quicquid est sub illo circulo est sub horizonte nobis occultatum quicquid autem est supra nobis apparet. ¶ Hi etiam circuli ob frequenter circuitonem & crebram retorsionem; nunc extortiores; nunc contractiores certa & necessaria exaratione ad similitudinem pene corone inscripti; corona appellantur. In qua magna huius instrumenti consistit efficacia. Nec ideo silentio pretereundum; centrum ultimi Almicantharat esse Zenith regionis climatis; aut oppidi ad quod tabula aut matris superficies descripta est; unde non ab re polus horizontis dicitur. Zenith autem regionis climatis aut oppidi punctus est in celo directe huic suppositus. Latine punctus verticalis. ¶ Post Almicantharat accedunt Azimuth & sunt circuli imperfecti quos latini vocant circulos verticales eo quod per punctum verticalem, ideo Zenith omnes transeant. & distinguunt horizontem in .360. partes. Quos plures circulos rectitudinem nominant; ex eo quod per eos recte scimus in qua parte mundi stella oriatur atque occidat. ¶ Sub horizonte obliquo in inferiori parte astrolabij sunt inscripti decem arcus horarum inequalium; qui a tropico per equatorem tendunt in alium tropicum; hos arabes Nototalgah, ideo breves horarum lineas vocant; qui linea medie noctis; & horizonte obliquo coassumptis duodecim horas constituant & impressis numeris singulare denotantur. Quarum dextra lineatio interdui antemeridianis horis; sinistra postmeridianis accommodatur. Noctu dextra horis ante conticinium sinistra post conticinium alligatur. ¶ Inter arcus horarios aliqua Astrolabia; habent duas lineas crepusculinas descriptas per quas initium diei & noctis sive vulgus accipitur. ¶ Præterea inserti sunt alijs quattuor arcus vergentes ab una parte circuli Capricorni; per intersectionem horizontis obliqui & lineæ mediæ cœli; in aliam partem eiusdem circului capricorni; qui una cum horizonte & linea mediæ cœli duodecim cœlestia domicilia constituunt & mira quadam facilitate distinguunt, & vocantur cuspides aut lineæ initiales. i.e. domorum de quibus post hac abunde dicemus. ¶ Supremo denique circulo limbi superaddidimus peripheriam, i.e. ventorum ut a qua cœli plaga qui vis spiret sit cognitu facillimus. ¶ De circulis arcubus & lineis tabularum regionum aut matris astrolabij quid sibi velint hancen dictum. His igitur incubat Rete; Aranea siue Voluellum arabice Alhancabuth. Instrumentum quidam particulare astrolabij mira quadam fabrica constructum; in sculptum & terebratum, Iccirco dictum Rete siue Aranea ob similitudinem quam habet cum Reti aut tela Araneæ, Voluellum quia manuali versatione ad demonstrandam coelestis sphaeræ volubilitatem & administrationem horarum æqualium & inæqualium & aliarum rerum astrologicarum propemodum innumerarum voluitur. Et sunt in ipso quattuor circuli. Circulus Cancer, Capricorni Equinoctialis & Zodiaci. De tribus primis supra abunde diximus. De Zodiaco hæc pauca notabimus. Arabice hic circulus appellatur Mitach, græce Simiophorus aut Zodiacus. Latine signifer. Circulus obliquus vel inflexus. Est enim signifer (ut Cleomedes inquit) circulus obliquus per tropicos & æquinoctiales piectus qui utrumque tropicum in punto contingit sed equinoctia lediu iduo secat. Mitach enim arabico sermone circulus signor dicitur. Simiophorus græce latine signifer. Zodiacus circulus vitæ vel aiali. Signifer quia fert signa. Obliquus autem inflexus circulus quia cum horizonte nunquam angulum rectum constituit. Nec regulariter ascendit ut equinoctialis; & a polis mundi non æquedistat. Hic in .12. partes quas

Zenith,

Azimuth,

Arcus horarum  
inæqualium,

Lineæ crepusculinæ,

Arcus dormitorum,

Circuli vetricorum,

Rete,

Aranea,

Voluellum,

Alhancabuth

Zodiacus,

Mitach,

Simiophorus  
Signifer,

Circulus obliquus.